

Les plus anciens documents linguistiques de la France
Corpus : (chNCh)
Responsable du corpus : NN
Édition de la charte : Bernadette Gavillet.

chNCh073bis

Édition critique

1318, 4 octobre.

Type de document: charte: reconnaissance de fief

Objet: Reconnaissance par Girard de Scey de tout ce qu'il tient
ligement d'Agnès de Durnes à Montgesoye.

Auteur: Official de la cour de Besançon.

Disposant: Girard de Scey.

Sceau: sceau de la cour de Besançon.

Bénéficiaire: Agnès de Durnes.

Autres Acteurs: Thibaut [III] de Belvoir, Jean de Naisey et Jean de
Vuillafans, témoins.

Rédacteur: Perrin de Haute-Pierre.

Support: Parchemin scellé sur double queue.

Lieu de conservation: AEN, T3 n° 10.

Verso: Li fyez Girart de Ceix (XIV^e siècle).

Transcription de la charte

1 Nos, officiaus de la court de Besençon, **2** faisons savoir a touz **3** que, *par* devant Perrin d-Aute Pierre, clerc, jurié de nostre court, n*ostre commandement* \2 especiaul au quel nos avons *commis* et *commeitons* noz foyes *par* ces *lettres* *et* au quel nos avons foy pleniére, *pour* ce *personelment* establiz, \3 Girars de Ceys, escuiers, recognut en droit *par* devant nostre dit *commandement* **4** qu'il tient de fyé de noble damoisele *et* saige \4 Agnés de Durnec, dame de Villafans le Nuef, tout ce que li enfant monsi Lanciron de Fertens tiennent de lui de fyé \5 a Mongesoie *et* le froment que dame Jehanne de Ceys, dame de Fertans, ha sus les molins de Mongesoie *qu-ele* tient de fyé dou \6 dit Girart, si come il dit; **5** *item*, en tient une vigne que Bourgoigne, sa niece, tient de lui de fyé a Mongesoie. **6** Et de ce \7 est entrez li diz Girars en la feiauté de la dite Agnés *par* ensi *comme* sui *devantier* en estoient. **7** Et *promist*, *pour* lui *et* *pour* ses hoirs, \8 *par* sa foy donee corporelment en la main de nostre dit *commandement*, *que* il *encontre* ceste recognossance ne venra ne fera venir *par* \9 lui ne *par* autrui. **8** Et en ha obligié *et* sozmis en la juridicion *et* cohercion temporele *et* espirituele de nostre dite court, lui, ses hoirs, \10 touz ses biens meubles *et* non-meubles, *pour* lui *contreindre* tout de plain a *acomplir* la tenour de ces *lettres*. **9** En *tesmoignaige* \11 de la quel chose, nos, a la requeste dou dit Girart, faite a nos *par* nostre dit *commandement*, li quex nos ha rapportees les choses \12 dessus dites estre louees en sa *presence* en leu de nos en la *maniere* *que* dessus est dit, avons fait matre en ces *lettres* le seel de \13 nostre dite court. **10** Faites *et* donees, *presenz* monsi Thiebaut, seignour de Belvoir, Jehan de Naisey *et* Jehan, fil monsi Jaque de \14 Villaffans, tesmoins a ce appelez, le mercredi après la Saint Michiel, l-an de grace corrant *par* mil ·CCC. *et* dix *et* huit.

11 P· de Alta Petra·